

AUGLÝSING

um breytingu á deiliskipulagi í Grýtubakkahreppi.

Breyting á deiliskipulagi í Laufási í Grýtubakkahreppi.

Á fundi sveitarstjórnar Grýtubakkahrepps sem haldinn var 4. júlí 2005, var samþykkt deiliskipulagsbreyting varðandi Laufás í Grýtubakkahreppi.

Breytingin felst í að byggingarreitur fjárhúss er áfram 14,3 m breiður en er lengdur til norðurs úr 21,4 m í 35 m þ.e. hann stækkar um 194,5 m². Vegur norðan við fjárhús er færður á kafla vegna stækkunar byggingarreits.

Framangreind deiliskipulagsbreyting var auglýst skv. 1. mgr. 26. gr. skipulags- og byggingarlaga nr. 73/1997 og hefur hlotið þá meðferð sem skipulags- og byggingarlög mæla fyrir um.

Deiliskipulagsbreytingin tekur þegar gildi.

Grenivík, 1. september 2005.

Guðný Sverrisdóttir, sveitarstjóri Grýtubakkahrepps.

SKIPULAGSSKRÁ

fyrir ABC barnahjálpar.

I. KAFLI

1. gr.

ABC barnahjálpar er sjálfseignarstofnun með heimili og varnarþing í Reykjavík.

2. gr.

ABC barnahjálpar er byggð á kristilegum grunni með kærleiksboðorðið í huga - að okkur ber að elska náungann eins og okkur sjálf.

ABC barnahjálpar mun leita eftir samstarfi og stuðningi allra sem vilja leggja starfinu lið.

3. gr.

Tilgangur ABC barnahjálparar er að styðja fólk til sjálfbjargar. Þótt tilgangur hjálparstarfsins sé ekki hugsaður sem neyðarhjálpar þá er stofnuninni heimilt að taka slíkt að sér, sérstaklega ef það er liður í að gera þá sem njóta aðstoðar sjálfbjarga.

4. gr.

Menntun barna og fræðslustarfsemi ýmiss konar er eitt meginverkefna ABC barnahjálparar.

ABC barnahjálpar vill eiga samstarf við heimamenn í hverju landi þar sem ABC barnahjálpar kys að starfa.